



**ZIMBABWE SCHOOL EXAMINATIONS COUNCIL
(ZIMSEC)**

**ZIMBABWE GENERAL CERTIFICATE OF EDUCATION
(ZGCE)**

For Examination in June/November 2014 – 2020

O Level Syllabus

NDEBELE (3155)

AMAZWI OKUBONGA

UGatsha lweZemfundo, Imidlalo laMasiko luthanda ukubonga abalandelayo ngokuphathisa kwabo ekuqoqweni kwesilabhasi le:

- **Abogatsha lweEducation Development Services**
- **Abogatsha lweSecondary and Non –Formal Education**
- **Abahloli bezemfundo, abaphathi bezikolo**
- **IZimbabwe School Examinations Council (ZIMSEC)**
- **Abamele amakolitshi ababalisi**
- **Abamele amayunivesithi**
- **Abamele amakhomithi endimi ezehlukeneyo zoluntu eZimbabwe**
- **Abancindezela izingwalo**
- **Abamele iSilveira House**

OKUMUNYETHWEYO

Amazwi okubonga

Isethulo

Injongo ezibanzi

Injongo zemihloliso

Uhlelo lwemihloliso

Indlela zokufundisa lokwabiwa kwesikhathi

Izihloko zesilabhasi

Ukuhlelwa kokumunyethweyo

IKHASI

1.0 ISETHULO

Isilabhasi yebanga lesine lelesithathu emfundweni ephezulu igoqela iminyaka emibili isakhela phezu kwesilabhasi ye Zimbabwe Junior Secondary. Ilungiselela abafundi kuzifundo zabo zesiNdebele emabangeni aphezulu njalo behlonyiswa ngamakhono okuzifundela lokuziphilisa .Ihlose ukuqhelisa lokujulisa ulwazi lolimi lwesiNdebele lamakhono okuhlaziya kusetshenziswa indlela ezitshiyeneyo zokukhulumisanaukuze umfundi enelise ukukhuluma lokuloba ngendlela ecacileyo. Isilabhasi le idinga ukuthi abafundi bahlonyiswe ngolwazi lokuziqhenya ngamasiko abookuzabenza bangene kalula kwezomphakathi, ezamasiko, ezomkhonomi, ezepholithiki lezethekhnoloji.

Isilabhasi le yethulwe ilugwalo olulodwa olulezinjongo ezibanzi lezinjongo zokuhlola ezigoqela umsebenzi weminyaka emibili. Kuphinda njalo kubelezigaba ezintathu ezigoqela uhlelo lokuhlola, indlela zokufundisalokuzafundiswa kumiswe ngendlela ebalulekileyo.

2.0 Izinjongo ezibanzi

Isilabhasi ijonge uku:

2.1 thuthukisa kubafundi amakhono okulalela, ukukhuluma, ukubala, ukubhala lamanye amakhono okukhulumisana kungelakukhipha umsindo ukuze ukuze baphatheke ngokugweleyo kwezomphakathi, ezepolituki, ezomkhonomi lempilo kazulu jikelele welizwe leZimbabwe.

2.2 thuthukisa uthando, ukuhlonipha lokukhwabitha ulimi lwesiNdebele ukuze baziphawule ngamasiko

2.3 hlomisa abafundi ekusetshenzisweni kolimi ngendlela eqondileyo njalo ezwakalayo ekukhulumisaneni

2.4 hlanyela empilweni zaboukukhwabitha kokubala kabanzi langendlela ejulileyo imibhalo yesiNdebele eyehlukeneyo

2.5 thuthukisa ubuciko bokubala

2.6 thakazelela imilayo lemikhuba ehlelwe kulandelwa amasiko omphakathi, kwezepholithiki, ezethekhnolojilezomkhonomi kumphakathi abakuwo

2.7 thuthukisa ukukhwabitha ubuhle bokuciko bokulotshwa kwezingwalo lokuzihlaziya kumabanga aphezulu

2.8 thuthukisa ukukhwabitha ubuhle bokusetshenziswa kolimi lokufundwa kwalo kumabanga aphezulu

2.9 thuthukisa abafundi ekukhalipheni kwengqondo, ekuziphatheni lasemizweni yabo

3.0 INJONGO ZOKUHLOLWA

Ekupheleni kweminyaka emibili yesilabhasi le abafundi kumele benelise uku:

3.1 hlela, ukuqoqa lokubhala imihlobo eyshiyeneyo yendaba zokuzibumbelaezigoqela indaba elandisayo, eyethula imibono ebekiweyo ngezihloko ezithile, echazato, eyimpikiswano, engumbiko, incwadi lengxoxo beveza ukukhalipha lolwazi ngezindaba ezitshiyeneyo lezisegudwini

3.2 bumba, bapele njalo baphawule kuhle imitshwana lemitsho

3.3 bhala ngobuciko langolimi olukhlabusayo oluhambelana lesihloko sokumunyethweyo

3.4 dinga imicijo endatshaneni kumbe enkondlweni baphendule imibuzo ngendlela youzwisisa

3.5 qamba lokuhlela izehlakalo zilandelane ngendlela ezenzakala ngayo

3.6 chaza amabala lemitshwana ngendlela okusetshenziswe ngayo embhalweni

3.7 bhala isifinqo sendatshana lenkondlo okupheleleyo kumbe ingxenye yakho

3.8 qamba babuye basebenzise ngokuqondileyo ikuma kolimi ngendlela eqondileyo emibhalweni ephiweyo

3.9chaza ukwakhiwa kwencezu ezelukeneyo zohlelo lwesiNdebele

3.10 qamba, ukuchaza lokusebenzisa incezu zenkulumo ezinjengezaga, amazwi ahlakaniphileyo, izenzukuthi, izifaniso lezingathekiso kumumo ethile

3.11 beka obala udaba logwalo

- 3.12 qamba lokuchasisa lapho ugwalo olugxile khona kukhangelwe isikhathi lendawo
- 3.13 chaza izinjongo ezivela egwalweni
- 3.14 chaza abalingiswa lobudlelwano babo egwalweni
- 3.15 cubungula izindaba ezethulwe egwalweni
- 3.16 pha imibono yabo ngezindela zokuloba ezisetshenziswe egwalweni
- 3.17 veza ubudlelwano bezehlakalo ezisegwalweni lempilo zabalingiswa lalokhu okwenzakala emphakathini
- 3.18 chaza amasiko ngendlela avezwe ngayo egwalweni
- 3.20 sebenziasa ithekhinoloji uudingisisa ulwazi oluphathelane lezindaba ezitshiyeneyo lezisegudwini
- 3.21 cubungula izinkondlo kusetshenziswa izindlela ezitshiyeneyo zokuloba

4.0 UKUHLOLWA

Umhloliso ulamaphepha amabili azaphendulwa ngesiNdebele.

4.1 UHLELO LOKUHLOLWA

IPHEPHA	INGCAZELO	UBUDE	IMILOMELo	ISISINDO
Iphepha lokuqala	Indaba yokuzibumbela lendatshana yokuzwisisa	2hours	100	50%
	Isigaba I:Indaba yokuzibumbela		50	
	Isigaba II:Ukusetshenziswa kolimi		20	
	Isigaba III:Indatshana yokuzwisisa		20	
	Isifinqo		10	
Ingxenye yemiklomelo			100	50%
Iphepha lesibili	Uhlelo lezingwalo	2hours	100	50%
	Isigaba I:Uhlelo		25	
	Isigaba II:Izingwalo			
	Isigatshana A:Inkondlo		25	
	Isigatshana B:Ingwalo zesiNdebele		25	
	Isigatshana C:Ingwalo zesiZulu		25	
Ingxenye yemiklomelo			100	50%
Imiklomelo yonke			200	100%

5.2 Ukumiswa kwamaphepha emihloliso

Iphepha lakuqala: Indaba yokuzibumbela lendatshana yokuzwisisa

Iphepha leli lilezigaba ezintathu

Isigaba I: Indaba yokuzibumbela (imiklomo engu 50)

Isigaba lesi sizagoqela izihloko zendaba zokuzibumbela eziyisikhombisa kokunye kwalokhu okulandelayo:

- Indaba elandisayo
- Indaba yezehlakalo ezenzakalayo
- Indaba echazayo
- Indaba eyimpikiswano
- Ingxoxo
- Indaba eyakhelwe esageni
- Incwadi
- Umbiko
- Ukuchaza umbiko ovezwa ngamagrafu, amamephu, imifanekiso, amatebuli lamatshathi

Ababhala umhloliso bazakhetha isihloko sibesinye. Isihloko sinye ngasinye silemiklomo engu 50.

Ubude bendaba yokuzibumbela bumele bubengazwi angu 450 kusiya ku 500.

Isigaba II:Ukusetshenziswa kolimi (imilkomelo engu 20)

Ukusetshenziswa kolimi kuzahlolwa kulandelwa ukusetshenziswa kwalo ezindabeni ezitshiyeneyo. Ulimi luzagxila kuncezu zenkulumo ezingeaga, amazwi alakaniphileyo, izenzukuthi, izifaniso, lezingathekiso. Ababhala umhloliso bazaphendula yonke imibuzo.

Isigaba III:Indatshana yokuzwisisa lesifinqo (imiklomelo engu 30)

Indaba yokuzwisisa izakuba ngamabala angu 450 kusiya ku 500. Isifinqo akumelanga sedlule amabala angu 50. Ababhala umhloliso bazaphendula yonke imibuzo kulesi isigaba.

Iphepha lesibili:Uhlelo lezingwalo

Iphepha leli lizakuba lezigaba ezimbili.

Isigaba I:Uhlelo (imiklomelo engu 25)

Isgaba lesi silemibuzo emine. Ababhala umhloliso bazaphendula imibuzo emibili kuphela. Umbuzo munye ngamunye ulemiklomelo engu 121/2.

Nanzelela:Ababhala umhloliso kukhangelelwe ukuthi baqambe njalo bachasise ukwakhiwa lokusetshenziswa kwencezu zenkulumo ezimeni zazo ezitshineyo.

Isigaba III:Izingwalo (imikomelo engu 75)

Isigaba lesi silezigatshana ezintathu.

Ababhala umhloliso kumele baphendule imbuzo owodwa esigatshaneni sinye ngasinye.

Isigatshana I:Izinkondlo (imiklomelo engu 25)**Isigatshana II:Izingwalo zesiNdebele (imiklomelo engu 25)****Isigatshana III:Izingwalo zesiZulu (imiklomelo engu 25)**

5.0 IZINDLELA ZOKUFUNDISA LOKWABIWA KWESIKHATHI

5.1 Izindlela zokufundisa

Indlela yokukhulumisana yiyo ekhuthazwayo ekufundiseni isilabhasi le. Ekusetshenziswa kolimi, kukhuthazwa ukuthi lufundiswe ngendlela olusetshenziswe ngayo emibhalweni ephiweyo.

Kungasetshenziswa ezinye zezindlela ezilandelayo:

5.1.1 Ukufundisa ngokutshela nje

5.1.2 Isethekeli esilolwazi ngesifundo

5.1.3 Ukufunda ngokukhangela

5.1.4 Ukudinga ulwazi ngokubuza lolwazi ngodaba oluthile

5.1.5 Ukuvakatshela indawo

5.1. 6 Project

5.1. 7 Ukuhlolisisa isehlakalo(case study)

5.1. 8 Ukudingisisa ngolwazi

5.1.9 Ingxoxo

5.1.10 Impikiswano

5.1.11 Seminar

5.1.12 Imidlalo

5.1.13 Ukufundisana kwabafundi (micro teaching)

5.1.14 Ukuncedisana kwababalisi ekufundiseni

5.1.15 Ukufunda kusetshenziswa i-internet

5.1.16 Iqembu labalobi

5.1.17 Iqembu labezamasiko

5.1.18 Ukuguqulela amabala lenombolo ku Braille

5.2 Ukwabiwa kwesikhathi

Isifundo lesi kufanele satshelwe amahlandla ayisificaminwe mibili ngeviki ihlandla linye ngalinye liyimizuzu engu 35 kusiya kwengu 40. Amahlandla amabili kumele abengawolimi kuthi amathathu abengawengwalo.

6.0 IZIHLOKO

6.1 Ukubhala indaba yokuzibumbela

6.2 Ukusetshenziswa kolimi

6.3 Indatshana yokuzwisisa

6.4 Isifinqo

6.5 Uhlelo

6.6 Izingwalo:i-prose, imidlalo lenkondlo

Nanzelela:Ezomdabuko lamasiko kumele zinanzwe ekufundiseni izihloko lezi.

7.0 UKUHLELWA KOKUMUNYETHWEYO YISILABHASI NGOKUGCWELEYO

ISIHLOKO	IZINJONGO Abafundi kufanele benelise:	OKUMUNYETHWEYO	UKUQHUTSHWA KWEZIFUNDO LEZIQONDISO
7.1 INDABA YOKUZIBUMBELA	<ul style="list-style-type: none"> - ukubhala ngolimi oluqondileyo langamabala abunjwe ngokuqondileyo - ukusebenzisa indlela lolimi oluqondileyo oluhambelana lendikimba yendaba - ukukhuthaza ikhono 	<ul style="list-style-type: none"> - ukupela - ukubumba imitsho - ukuphawula - ukwehlukana amabala - inkathi - indlela lolimi okuqondileyo - inkulumo evela kumniniyo laleyo engumbiko walowo okhulumileyo - ubuciko lokuloba 	<ul style="list-style-type: none"> - ukwenza imidlalo ngenkathi langezipele - ukubumba imitsho etshiyeneyo - ukuphawula imitsho etshiyeneyo - ukuqondisa amabala ajayele ukungapelwa kuhle - ukubizela izipele - ukubhala izindaba lezincwadi kulandelwa izindlela eziqondileyo - ukwenza ingxoxo eveza imumo etshiyeneyo - ukuqoqa imibiko

	<p>lokubhala</p> <p>- ukuveza ubuciko bokusebenzisa izifenqo lezitsho</p> <p>- Ukwethula umsebenzi wabo ngendlela ebumbeneyo ngokulandelana kwezehlakalo</p> <p>- Ukubhala indima ezibumbekileyo</p>	<p>-ukusetshenziswa kwezifenqo</p> <p>- ukwethula umsebenzi oxoxwayo lobhalwayo</p> <p>-izindima ezibumbekileyo</p> <p>-izimpawu zendaba yokuzibumbela ebhalwe kuhle</p>	<p>-ukubhala inkondlo, izindaba lemidladlwana</p> <p>-ukubhala kubunjwa ugwalondaba</p> <p>-ukuphatheka emincintiswaneni yokuloba</p> <p>- ukusetshenziswa kwezifenqo ngendlela eondileyo ekulobeni indaba zokuzibumbela</p> <p>-ukwethula umsebenzi oxoxwayo lobhalwayo ngendlela ehlelekileyo</p> <p>-ukwakha isingeniso, indima lesiphetho okulohlonzi</p> <p>-ukuhlela lokubhala imihlobo etshiyeneyo yezindaba lencwadi</p> <p>-ukuqoqa imibiko etshiyeneyo</p>
--	--	--	--

<p>7.2 INDABA YOKUZWISISA LESIFINQO</p>	<ul style="list-style-type: none"> - ukudinga okumqoka ezindabeni zokuzwisisa ezitshiyeneyo -ukuchaza amabala lemitshwana ngendlela okusetshenziswe ngayo endabeni -ukuveza ukuzwisisa okupheleleyo ngombhalo abawuphiweyo -ukuqamba lokubeka izehlakalo ngokulandelana kwazo -ukufinqa indatshana kumbe ingxenye yayo 	<p>-Imibhalo etshiyeneyo yokuzwisisa</p>	<ul style="list-style-type: none"> - ukubalwa kwemibhalo yokuzwisisa - ukuxoxa ngokumunyethweyo lokulobudlelwano lakho - ukwenyula okutshiwo ngamabala lemitshwana ngendlela okusetshenziswe ngayo ezindatshaneni - ukuphendula imibuzo yokuzwisisa ebuzwe ngomlomo laleyo ebhaliweyo -ukubala imibhalo -ukuqamba lokuhlela imicijo yesifinqo -ukuqoqa imicijo ngokulandelana kwayo -ukubhala izifinqo
---	---	--	--

ISIHLOKO	INJONGO :	OKUMUNYETHWEYO	UKUQHUTSHWA KWEZIFUNDO LEZIQONDISO
7.3 UHLELO	-ukuchaza incezu zenkulumo -ukuqamba incezu zenkulumo -ukwakha incezu zenkulumo -ukusebenzisa incezu zenkulumo ngendlela eqondileyo -ukuphendula imibuzo	<ul style="list-style-type: none"> • Ibizo -ukuchaza lokuqamba ibizo emtshweni -ukwakhiwa -izigaba zambizo -ukusethenziswa kwamabizo <ul style="list-style-type: none"> • Isabizwana -ukuchaza lokuqamba isabizwana emitshweni -imihlobo yezabizwana -ukusethshenziswa kwezabizwana <ul style="list-style-type: none"> • Izichasiso -ingcazelo, ukuqamba -ukwakhiwa lokusethenziswa kwalezi incezu zenkulumo: -isiphawulo	-ukuchaza incezu zenkulumo -ukuqamba incezu zenkulumo -ukuchaza ukwakhiwa kwencezu zenkulumo -ukusebenzisa incezu zenkulumo ngokuqoqndileyo -ukwenza imidlalo ngencezu zenkulumo:amabala ahlangeneyo, puzzles, ukwenyula incezu zenkulumo ezindatshaneni uzichaze -ukubumba imihlobo etshiyeneyo yemibuzo

		<p>-inani -ubumnini -isibaluli</p> <ul style="list-style-type: none"> • Isibanjalo <p>-ingcazelo lokuqamba -ukwakhiwa lokusetshenziswa -ukwakhiwa ngezinye incezu zenkulumo</p> <ul style="list-style-type: none"> • Isenzo <p>-ingcazelo lokuqamba -ukwakhiwa -ukuvuma lokulandula -impambosi zesenzo lokusetshenziswa kwazo</p> <ul style="list-style-type: none"> • Indlela zesenzo <p>-ingcazelo, ukuqamba -imihlobo yendlela zesenzo: eqondisayo, eqondisayo yesimo,</p>	
--	--	---	--

		<p>eyamandla, eyamile, ephoqayo</p> <p>-ukusetshenziswa kwazo</p> <ul style="list-style-type: none"> • isikhathi <p>imihlobo: esamanje, esedlulayo, esizayo</p> <p>ukusetshenziswa kwayo</p> <ul style="list-style-type: none"> • Isandiso <p>-ingcazelo</p> <p>-ukuqamba imihlobo:</p> <p> esendawo, isikhathi, isimo</p> <p>-ukwakhiwa</p> <p>-ukusetshenziswa</p> <ul style="list-style-type: none"> • Isihlanganiso <p>-ingcazelo lokuqamba</p> <p>-ukusetshenziswa</p> <p>kwesihlanganiso</p>	
--	--	--	--

ISIHLOKO	INJONGO :	OKUMUNYETHWEYO	UKUQHUTSHWA KWEZIFUNDO LEZIQONDISO
<p>7.4</p> <p>IZINGWALO:IZINGWALO ZOMHLOLISO EZIKHETHIWEYO</p> <p>7.4.1 I-PHROZI LEMIDLALO</p>	<p>-ukulandisa indaba -ukutshengisa izisusa zezehlakalo ezisegwalweni lezilandelamuva zazo</p> <p>-ukutshengisa ukuhambelana kwesihloko sogwalo lezehlakalo ezisegwaleni</p> <p>-ukuqamba injongo lenjongwana</p>	<p>-umkhondo wendaba -ukulandelana kwezehlakalo</p> <p>-isihloko sogwalo</p> <p>-injongo lenjongwana</p>	<p>- ukulandisa indaba esegwaleni - ukwenza umdlalo ngendaba ebhaliweyo - ukucubungula ukulandelana kwezehlakalo - ukuqamba isikhathi, indawo lalapho okwenzakala khona izehlakalo kukhangelwe ukulandelana kwazo</p> <p>-ukuxoxa ngokuhambelana kwesihloko sogwalo lezehlakalo ezisegwalweni</p> <p>-ukuxoxa kabanzi ngenjongo lenjongwana ezisegwalweni usebenzisa okuvela egwalweni -ukusebenzisa injongo zogwalo empilweni</p>

	<p>-ukucubungula ngabalingiswa abamqoka labangaqakathekanga</p> <p>-ukuqamba izifundo ezitholakala egwalweni</p> <p>-ukuqamba izindlela zokuloba</p>	<p>-abalingiswa abamqoka labangaqakathekanga</p> <p>-izifundo ezitholakala egwalweni</p> <p>-izindlela zokuloba ezejayelekileyo</p>	<p>zabo</p> <p>-qamba abalingiswa abamqoka labangaqakathekanga egwalweni</p> <p>-ukuhambelana kwamabizo abalingiswa lalalokho abayikho egwalweni</p> <p>-ukuchaza izimilo lezimo zabalingiswa abamqoka labangaqakathekanga</p> <p>-ukukhangelisisa okwenziwa ngabalingiswa abamqoka ekuthuthukiseni izehlakalo ezisegwalweni usebenzisa okuvela egwalweni</p> <p>-ukusebenzisa izifundo ezisegwalweni kulokho okwenzakalayo empilweni</p> <p>-ukuchasisa izindlela zokuloba ezitshiyeneyo ezisetshenzisiweyoegwalweni</p>
--	--	---	---

	<p>ezisetshenziweyo</p> <p>-ukuqamba okuphathelene lamasiko egwalweni</p>	<p>-okuphathelane lamasiko</p>	<p>-ukuxoxa ngokuthi indlela zokuloba zisekela njani izinjongo</p> <p>-ukuxoxa ngokuphathelane lamasiko egwalweni</p> <p>-ukuqathanisa amasiko atshiyeneyo asegwawweni</p>
7.4.2INKONDLO	<p>- ukuqamba imbongi</p> <p>-ukucubungula indlela yokubhala</p> <p>-ukuqamba injongo yenkondlo yinye ngayinye</p> <p>-ukuqamba indlela zokuloba inkondlo</p>	<p>- imbongi</p> <p>-indlela yokubhala</p> <p>-izinjongo</p> <p>-izindlela zokuloba</p>	<p>- ukuxoxa ngembali yembongi, lezikuthandayo lobuciko bokubhala kwazo</p> <p>-ukucubungula izinkondlo</p> <p>-ukuqamba indlela ezitshiyeneyo ezisetshenziswa zimbongi</p> <p>-ukuxoxa ngenjongo zenkondlo ezitshiyeneyo</p> <p>-ukuqathanisa inkondlo ezilenjongo ezifanayo</p> <p>-ukuchasisa izindlela zokuloba ezinkondlweni</p> <p>-ukuqathanisa izindlela ezitshiyeneyo</p>

	<p>-ukucubungula isimo, umumo lephimbo lenkondlo</p> <p>-ukuqamba indlela zokuloba</p> <p>-ukuqamba okuphathelene lamasiko okusenkondlweni</p>	<p>-isimo umumo lephimbo</p> <p>-Izindlela zokuloba</p> <p>Okuphathelene lamasiko</p>	<p>zokuloba izinkondlo</p> <p>-ukuveza imizwa lokutsho ukuthi ibangelwa yini ekubaleni inkondlo ezitshiyeneyo</p> <p>-ukuveza imibono ngendlela ezithsiyeneyo zokuloba ezisethsenziswe yimbongi kukhangelwe izinjongo</p> <p>Ukuxoxa ngokuphathelane lamasiko enkondlweni Ukuqathanisa okuphathelane lamasiko enkondlweni</p>
--	--	---	---